




Área / Unidada PARTICIPACION CIUDADANA PC1100 ALC	Documento 2381AI00BS	
Código de verificación  3124 6J4J 3701 2002 0ZMS	Expediente 238/2026/48	
	Fecha 24-02-2026	

ASUNTO: Convocatoria específica para a concesión, en réxime de concorrancia competitiva, de subvencións dirixidas a apoiar o funcionamento e a dinamización de actividades de interese social, cívico e cultural das asociacións veciñais do Concello da Coruña, para o ano 2026

RESOLUCIÓN

O Concello da Coruña, en virtude do establecido no artigo 25 da Lei 7/85, de 2 abril, reguladora das bases do réxime local e a Lei 5/1997, de 22 de xullo, da administración local de Galicia, ten atribuída a competencia para promover actividades que contribúan a satisfacer as necesidades e aspiracións da comunidade veciñal nos termos da lexislación estatal e autonómica que lle resulte de aplicación.

A concesión de subvencións constitúe un instrumento básico e indispensable para a consecución dos obxectivos fixados na política social e económica do Concello da Coruña. Por iso, dende a Concellaría de Benestar Social, Participación e Igualdade, co obxecto de promover a dinamización das asociacións veciñais como ferramentas activas e catalizadoras da participación cidadá, recoñécese a necesidade de convocar subvencións dirixidas a apoiar o funcionamento xeral e a realización de actividades de interese cívico, social e cultural destas entidades inscritas no Rexistro Municipal de Asociacións Coruñesas (REMAC).

A este respecto, o artigo 72 da Lei 7/85, de 2 de abril, reguladora das bases do réxime local dispón: “As Corporacións Locais favorecen o desenvolvemento das asociacións para a defensa dos intereses xerais ou sectoriais dos veciños, facilitaránlle a máis ampla información sobre as súas actividades e, dentro das súas posibilidades, o uso dos medios públicos e acceso ás axudas económicas para a realización das súas actividades e impulsan a súa participación na xestión da Corporación nos termos do número 2 do artigo 69”.

O artigo 23 do Decreto de 17 de xuño de 1955, polo que se aproba o Regulamento de Servizos das Corporacións Locais establece que “As corporacións locais poderán conceder subvencións a entidades, organismos ou particulares cuxos servizos ou actividades complementen ou suplan aos atribuídos á competencia local”.

A finalidade das subvencións é apoiar ao mantemento das sedes sociais e a realización de programas, proxectos e actividades de interese cívico, social ou cultural das asociacións veciñais do Concello da Coruña, xa realizados ou por realizar, durante o exercicio económico 2026 (entre o 1 de xaneiro e o 31 de decembro), de acordo con criterios obxectivos que ponderen a importancia e representatividade de cada unha delas.

Establécense dúas liñas subvencionables dentro da presente convocatoria:

Liña 1: Apoio ao mantemento das sedes sociais

É obxecto desta liña outorgar subvencións para apoiar economicamente o mantemento das sedes sociais das asociacións veciñais que carezan de locais municipais en réxime de cesión ou noutras



Concello da Coruña

condicións de uso gratuítas durante este ano (no período comprendido entre o 1 de xaneiro e o 31 de decembro), de acordo con criterios obxectivos que ponderen a importancia e representatividade de cada unha delas.

Liña 2: Apoio de programas, proxectos e/ou actividades.

É obxecto desta liña outorgar subvencións para apoiar os programas, proxectos e/ou actividades de interese cívico, social ou cultural que realicen as asociacións do concello da Coruña durante este ano (entre o 1 de xaneiro e o 31 de decembro), de acordo con criterios obxectivos que ponderen a importancia e representatividade de cada unha delas.

Segundo o disposto anteriormente, no artigo 3.1 apartado b) da Lei 38/2003, de 17 de novembro, Xeral de Subvencións (en diante, LXS), o outorgamento de subvencións por este Concello axustarase ás previsións de devandita Lei, que no seu artigo 9.2 dispón que con carácter previo ao outorgamento das subvencións deberán aprobarse as bases reguladoras da concesión. Asemade, o artigo 17.2 LXS prevé que as bases reguladoras das subvencións das corporacións locais deberanse aprobar no marco das bases de execución do orzamento, a través dunha ordenanza xeral de subvencións ou mediante unha ordenanza específica para as distintas modalidades de subvencións.

En cumprimento desta previsión legal, o Pleno municipal, en sesión celebrada o día 6 de xuño de 2024, acordou aprobar definitivamente a ordenanza municipal de bases reguladoras xerais para concesión de subvencións polo Concello da Coruña e os seus organismos públicos, publicada integramente no Boletín Oficial da Provincia nº 157 do 16.08.2024.

O procedemento ordinario de concesión de subvencións tramitarase en réxime de concorrencia competitiva, a tenor do establecido no art. 23 e seguintes da LXS, mediante a comparación de solicitudes presentadas, a fin de establecer unha prelación entre as mesmas de acordo cos criterios de valoración previamente fixados na convocatoria, e adxudicar, co límite fixado na convocatoria dentro do crédito dispoñible, aquelas que obtiveran maior valoración en aplicación dos citados criterios e a súa iniciación, que será sempre de oficio, mediante a respectiva convocatoria aprobada polo órgano competente. A citada convocatoria deberá publicarse no Boletín Oficial da Provincia, na Base de Datos Nacional de Subvencións e na Sede Electrónica do Concello da Coruña. Non obstante, a Lei obriga a efectuar a aprobación do gasto con carácter previo á convocatoria das subvencións (artigo 34.1 LXS).

Para poder atender estes fins de interese social descritos anteriormente, existe crédito axeitado e suficiente por importe de 60.000,00 € na aplicación 51.924.489.00 do orzamento municipal en vigor (BOP nº 20 30.01.2026) dos cales 25.000,00 están destinados a gastos de funcionamento e 35.000,00 están destinados a actividades.

As resolucións que se adopten son competencia da Xunta de Goberno Local en virtude do establecido no art. 127 da Lei 7/85, do 2 de abril, reguladora das Bases do Réxime Local.

A Xunta de Goberno, por acordo do 4 de xullo de 2024 (BOP nº129 do 05.07.2024) delegou, de conformidade co previsto no art. 5.2 do Regulamento Orgánico Municipal, nos e nas concelleiros e concelleiras responsables das áreas de goberno unha serie de atribucións. O apartado i) do citado acordo acordou delegar o desenvolvemento de todos os actos de xestión económica (excluídos contratos, concesión e negocios xurídicos patrimoniais que se rixen polo apartado c)), e nomeadamente a convocatoria de axudas e subvencións e a súa resolución de concesión así como a aprobación de subvencións nominativamente previstas no orzamento e do seu convenio nominativo, ata un importe de cincocentos miles de euros (500.000,00 €), IVE excluído, así como a autorización e disposición do gasto correspondente, sempre que se realicen con cargo a aplicacións orzamentarias cuxa xestión lles corresponda.



En concordancia co anterior, a ordenanza municipal de bases reguladoras xerais para concesión de subvencións polo Concello da Coruña e os seus organismos públicos (BOP nº157 do 16.08.2024) dispón no seu artigo 10 que a aprobación da respectiva convocatoria corresponde á Xunta de Goberno Local, sen prexuízo das delegacións que poidan efectuarse.

Á vista do informe emitido polo servizo de Participación Cidadá, a concelleira responsable de Benestar Social, Participación e Igualdade, por delegación da Xunta de Goberno Local, (acordo do 04.07.2024, BOP nº129 do 05.07.2024), en uso das facultades que ten conferidas

PROPOSTA DE RESOLUCIÓN

Primeiro.-Autorizar o gasto de sesenta mil euros (60.000,00 €), dos cales vinte e cinco mil (25.000,00 €) destínanse a apoio ao mantemento das sedes sociais e trinta e cinco mil (35.000,00) destínanse a apoio a actividades, correspondente á convocatoria específica da concesión de subvencións destinadas a apoiar o funcionamento e a dinamización de actividades de interese social, cívico e cultural das asociacións veciñais durante o exercicio 2026, gasto imputable á aplicación 51.924.489.00 do orzamento municipal en vigor (BOP nº 20 30.01.2026).

Segundo.- Aprobar as bases reguladoras da convocatoria de concesión de subvencións en réxime de concorrencia competitiva, destinadas a asociacións veciñais para o apoio ao mantemento das sedes sociais e a realización de actividades de interese cívico, social ou cultural no termo municipal da Coruña para o exercicio 2026, que figuran no expediente de referencia. (CSV versión galego: 1N2Q 5W63 1U1J 3V0A 0VY9 CSV versión castelán: 560S 146L 6C6K 5J3D 1BIA) así como os anexos das mesmas (CSV 1W12 4V1U 6408 0A10 0SCM).

A Coruña, na data de sinatura electrónica do documento.

A concelleira responsable de Benestar Social, Participación e Igualdade
Nereida María Canosa Domínguez
P.D da Xunta de Goberno Local (acordo do 04.07.2024 BOP nº129 do 05.07.2024)